

2026 ԹՎԱԿԱՆԻ ԸՆԹԱՑՔՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ՀԱՏՈՒԿ ԾԱՌԱՅՈՂՆԵՐԻ
ՎԵՐԱՊԱՏՐԱՍՏՄԱՆ ԵՎ ՀԱՏՈՒԿ ՈՒՍՈՒՑՄԱՆ ԴԱՍԸՆԹԱՑՆԵՐԻ ԻՐԱԿԱՆԱՑՄԱՆ
ՀԱՄԱՐ «ԻՐԱՎԱԿԱՆ ԿՐԹՈՒԹՅԱՆ ԵՎ ՎԵՐԱԿԱՆԳՆՈՂԱԿԱՆ ԾՐԱԳՐԵՐԻ
ԻՐԱԿԱՆԱՑՄԱՆ ԿԵՆՏՐՈՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆԸ
ՊԵՏՈՒԹՅԱՆ ԿՈՂՄԻՑ ԴՐԱՄԱԸՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ

N ՀՀ ԱԶՍԳՄ - 06/26

ք. Երևան

«03» *փետրվար* 2026թ.

Հայաստանի Հանրապետության արդարադատության նախարարությունը, ի դեմս գլխավոր քարտուղար Համլետ Հարությունյանի (այսուհետ նաև՝ դրամաշնորհ տրամադրող), որը գործում է պետական մարմնի կանոնադրության հիման վրա, մի կողմից, և «Իրավական կրթության և վերականգնողական ծրագրերի իրականացման կենտրոն» պետական ոչ առևտրային կազմակերպությունը, ի դեմս տնօրեն Գևորգ Սիմոնյանի (այսուհետ նաև՝ դրամաշնորհ ստացող կամ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ միասին նաև՝ կողմեր), հիմք ընդունելով «Հայաստանի Հանրապետության 2026 թվականի պետական բյուջեի մասին» օրենքը, Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների և դրամաշնորհների հատկացման կարգը հաստատելու մասին» N 1937-Ն որոշումը, Հայաստանի Հանրապետության կառավարության 2025 թվականի դեկտեմբերի 25-ի «Հայաստանի Հանրապետության 2026 թվականի պետական բյուջեի կատարումն ապահովող միջոցառումների մասին» N 1910-Ն որոշմամբ հաստատված հավելված N 5-ի 7-աղյուսակը և N 9.1 հավելվածով (այսուհետ նաև՝ որոշում) նախատեսված «Արդարադատության համակարգի աշխատակիցների վերապատրաստում և հատուկ ուսուցում» ծրագրի մաս հանդիսացող «Հատուկ ծառայողների վերապատրաստում և հատուկ ուսուցում» միջոցառման (այսուհետ նաև՝ ծրագիր) իրականացման նպատակով, կնքեցին սույն պայմանագիրը (այսուհետ նաև՝ պայմանագիր)՝ հետևյալի մասին.

1. Պայմանագրի առարկան

1.1 Սույն պայմանագրով դրամաշնորհ տրամադրողը պարտավորվում է ծրագրի իրականացման նպատակով կազմակերպությանը հատկացնել որոշման հավելված N 5-ի, 7-րդ աղյուսակով նախատեսված՝ 187752,0 հազ. (մեկ հարյուր ութսունյոթ միլիոն յոթ հարյուր հիսուներկու հազար) ՀՀ դրամ գումար՝ ներառյալ օրենքով նախատեսված հարկերը, իսկ կազմակերպությունը պարտավորվում է ծրագիրն իրականացնել որոշմանը համապատասխան, ինչպես նաև սույն պայմանագրով սահմանված կարգով և չափով:

1.2 Ծրագրով նախատեսված՝ կազմակերպության կողմից իրականացվելիք միջոցառումները (այսուհետ նաև՝ միջոցառումներ) ներկայացված են սույն պայմանագրի հավելված N 1-ում:

2. Կողմերի իրավունքները և պարտականությունները

2.1 Դրամաշնորհ տրամադրողն իրավունք ունի՝

2.1.1 Յանկացած ժամանակ ստուգել դրամաշնորհ ստացողի կողմից իրականացվող միջոցառումների ընթացքը՝ առանց միջամտելու նրա բնականոն գործունեությանը, պահանջել տեղեկատվություն կատարվող աշխատանքների վերաբերյալ:

2.1.2 Պայմանագրով սահմանված պահանջներին չհամապատասխանելու դեպքում սահմանել բացահայտված թերությունների անհատույց վերացման ողջամիտ ժամկետ:

2.1.3 Առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա). դրամաշնորհ ստացողը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացնելու:

բ). իրականացված միջոցառումները չեն համապատասխանում ծրագրով սահմանված պահանջներին:

2.1.4 Դրամաշնորհ ստացողից պահանջել ներկայացնելու Ծրագրի կատարման վերաբերյալ եռամսյակային հաշվետվություններ մինչև հաշվետու եռամսյակին հաջորդող ամսվա 15-ը և տարեկան ամփոփ հաշվետվություն՝ մինչև հաջորդող տարվա փետրվարի 7-ը:

2.2 Դրամաշնորհ ստացողն իրավունք ունի.

2.2.1 Պահանջել դրամաշնորհ տրամադրողից սույն պայմանագրի 1.1. կետով սահմանված գումարը:

2.2.2 Դրամաշնորհ տրամադրողի կողմից գումարները չվճարելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.2.3. Տեղեկացնել դրամաշնորհ տրամադրողին սույն պայմանագրով նախատեսված գործունեության ընթացքում առաջացած խնդիրների մասին:

2.3 Դրամաշնորհ տրամադրողը պարտավոր է՝

2.3.1 Ծրագրով նախատեսված դեպքերում աջակցել դրամաշնորհ ստացողին:

2.3.2 Իրականացնել ծրագրով նախատեսված այլ աշխատանքներ:

2.4 Դրամաշնորհ ստացողը պարտավոր է.

2.4.1 Կանոնադրությամբ սահմանված գործունեությունն իրականացնել ՀՀ օրենսդրությանը համապատասխան:

2.4.2 Պայմանագրով նախատեսված ֆինանսական միջոցներն օգտագործել ծրագրով և պայմանագրով սահմանված նպատակներով ու չափաքանակներով:

2.4.3 Կատարել դրամաշնորհ տրամադրողի կողմից բացահայտված թերությունների վերացման նպատակով տրված ցուցումները:

2.4.4 Դրամաշնորհ տրամադրողին ներկայացնել միջոցառումների իրականացման մասին հաշվետվություններ:

2.4.5 Պայմանագրի գործողության ընթացում՝ դրամաշնորհ տրամադրողի համար ապահովել ծրագրի իրականացմանը վերաբերող փաստաթղթերին ծանոթանալու հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6 Պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո դրամաշնորհ ստացողը միջոցառումների

է Հայաստանի Հանրապետության պետական բյուջե՝ ոչ ուշ, քան մինչև 2027 թվականի հունվարի 24-ը:

3. Պայմանագրի արդյունքի հանձնման և ընդունման կարգը

3.1 Պայմանագրի արդյունքն ընդունվում է կողմերի միջև հանձնման-ընդունման արձանագրության և պայմանագրի կամ դրա մի մասի արդյունքների ընդունման վերաբերյալ եզրակացության ստորագրմամբ: Սույն պայմանագրով նախատեսված հանրային ծառայողի կողմից վերապատրաստման կամ հատուկ ուսուցման դասընթացներին մասնակցելուց հետո հավաստագիր (վկայական) չստանալը՝ սուուգարքին չմասնակցելը, բացասական գնահատականը (գնահատվելը) կամ բացակայությունների թույլատրելի շեմն անցնելու արդյունքում բացասական գնահատական ստանալը (գնահատվելը), չի հանդիսանում կազմակերպության կողմից պարտավորությունների չկատարում կամ ոչ պատշաճ կատարում:

3.2 Եթե իրականացված միջոցառումը համապատասխանում է պայմանագրի պայմաններին, դրամաշնորհ տրամադրողը պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 (հինգ) աշխատանքային օրվա ընթացքում ստորագրում և դրամաշնորհ ստացողին է տրամադրում իր կողմից ստորագրած հանձնման-ընդունման արձանագրությունը:

3.3 Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա դրամաշնորհ տրամադրողը չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում դրամաշնորհ ստացողին հետ է վերադարձնում հանձնման-ընդունման արձանագրությունը՝ նշելով դրա չստորագրման համար հիմք հանդիսացած անհամապատասխանությունը:

4. Վճարման կարգը և ժամկետները

4.1 Իրականացվող միջոցառումների դիմաց դրամաշնորհ ստացողին վճարումները կատարվում են անկանխիկ եղանակով, ամսական կտրվածքով, ոչ ուշ, քան հաջորդ ամսվա 7-րդ աշխատանքային օրը՝ համաձայն ֆինանսական պարտավորությունների հատկացման ժամանակացույցի (հավելված N 2):

5. Կողմերի պատասխանատվությունը

5.1 Պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով, ընդ որում, տուգանքի վճարումը կազմակերպությանը չի ազատում իր հետագա պարտավորությունները կատարելու և խախտումները վերացնելու պարտականությունից:

6. Պայմանագրի գործողության ժամկետը

6.1 Պայմանագիրն ուժի մեջ է մտնում կողմերի ստորագրման պահից, տարածվում է 2026 թվականի հունվարի 1-ից հետո ծագած հարաբերությունների վրա և գործում է մինչև 2026 թվականի դեկտեմբերի 30-ը:

7. Անհաղթահարելի ուժի ազդեցությունը (Ֆորս-մաժոր)

7.1 Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են համաճարակը, երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ դրա մասին նախապես տեղյակ պահելով մյուս կողմին:

8. Այլ պայմաններ

8.1 Սույն պայմանագիրը կնքվում է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

8.2 Պայմանագրում կատարվող փոփոխությունները կամ լրացումները ունեն իրավաբանական ուժ, եթե կազմված են գրավոր և ստորագրված են կողմերի կողմից:

8.3 Սույն պայմանագրով կողմերը իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

9. Կողմերի իրավաբանական հասցեները, բանկային վավերապայմանները և ստորագրությունները

Դրամաշնորհ տրամադրող՝

Հայաստանի Հանրապետության արդարադատության
նախարարություն

ք. Երևան, Վ. Սարգսյան 3/8,

ՀՎՀՀ 02506264

Հայաստանի Հանրապետության ֆինանսների
նախարարության գործառնական վարչություն

Հ/Հ 900011194272

Գլխավոր քարտուղար՝



Հ. Հարությունյան

Կազմակերպություն՝

«Իրավական կրթության և վերականգնողական
ծրագրերի իրականացման կենտրոն» ՊՈԱԿ

ք. Երևան, Մ. Խորենացու 162ա

ՀՎՀՀ 02509478

Հայաստանի Հանրապետության ֆինանսների
նախարարության գործառնական վարչություն

Հ/Հ 900018004821

Տնօրեն՝



Գ. Սիմոնյան

2026 թվականի փնտրված N 1
կնքված N 22559-Մ-06/2026/ՀՀ
Հավելված N 1
3 -ին
Հանձնարարության

Մ Ի Զ Ո Ց Ա Ռ ՈՒ Մ Ն Ե Ր

Իրականացվելիք միջոցառման

Անվանումը	Համառոտ բովանդակությունը	Կատարման ենթակա գործառնությունների նկարագրի	Անկախ վերջնական արդյունքները և վերջնական արդյունքների չափանիշները	Պահանջվող գումարը (հազար դրամ)
<p>2026 թվականի ընթացքում Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցանողների հասցնելու (այսուհետ նաև՝ դասընթաց) իրականացում</p>	<p>1. ՀՀ արդարադատության նախարարության քրեակատարողական ծառայության գլխավոր, առաջատար, միջին և կրտսեր խմբերի պաշտոններ զբաղեցնող քրեակատարողական ծառայողների, Հարկադիր կատարման ծառայության գլխավոր և առաջատար խմբերի պաշտոններ զբաղեցնող հարկադիր կատարողների, Պրոբացիայի ծառայության գլխավոր, առաջատար և կրտսեր խմբերի վերապատրաստման պաշտոններ զբաղեցնող պրոբացիայի ծառայողների և ՀՀ արդարադատության նախարարության քրեակատարողական և հարկադիր կատարման ծառայությունների հանրային ծառայողների հատուկ ուսուցում:</p> <p>2. Դասընթացներն իրականացվում են՝ Հայաստանի Հանրապետության փոխվարչապետի 2020 թվականի օգոստոսի 6-ի N 476-Լ և N 477-Լ որոշումներով, Հայաստանի Հանրապետության արդարադատության նախարարի 2023 թվականի նոյեմբերի 13-ի N 667-Լ հրամանով հաստատած կարգերով (ներառյալ՝ ծրագրերով, ժամանակացույցերով և այլ պայմաններով): Հայաստանի Հանրապետության արդարադատության նախարարի հաստատած ժամկետներում և ծրագրերով: Ծրագրի տևողությունը մեկ ունկնդրի հաշվարկով՝ 39 ակադեմիական ժամ է (մեկ ակադեմիական ժամի տևողությունը 40 րոպե է):</p> <p>3. Կրակային դասընթացը ներառում է 9x18 մմ տրամաչափի «Բայկալ 442» (և/կամ 9x19 մմ տրամաչափի «CZ P 10 C») կարճ ակոսափող հրազենով 12 և «Նշանակետ»</p>	<p>Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցանողների հրավանագում</p>	<p>Արդյունք՝ մասնագիտական գիտելիքների, հմտությունների և կարողությունների զարգացում</p> <p>Գնահատման չափանիշներ՝</p> <p>1. Վերապատրաստում և հատուկ ուսուցում անցած ունկնդիրների թիվը՝ հավաստագիր (վկայական) ստացած՝ առնվազն դասընթացներին մասնակցած ծառայողների 80 տոկոսը,</p> <p>2. Վերապատրաստման և հատուկ ուսուցանող դասընթացների համապատասխանությունը ծրագրով նախատեսված թեմաներին:</p>	<p>2026 թվականի դեկտեմբերի 30-ը</p> <p>187752,0</p>

էլեկտրոնային հրձգային վարժասարքի «AK 47» ինքնաձիգով 36 կրակ արձակելու գործնական (ներառյալ ստուգարքայինը) դասընթաց, իսկ ՀՀ արդարադատության նախարարության քրեակատարողական ծառայության պահպանության ստորաբաժնման հանրային ծառայողներն ինքնաձիգով 12 կրակ արձակելու գործնական դասընթաց (ներառյալ ստուգարքայինը՝ յուրաքանչյուր ծառայողի համար):

4. Դասընթացներն իրականացվում են Արագածոտնի մարզի, Աշտարակ համայնքի, Կարբի բնակավայրի 1-ին փողոց 4-րդ նրբանցք, N 56 շենք և ք. Երևան, Մ. Խորենացու 162ա հասցեներում, կամ դրամաշնորհ տրամադրողի համաձայնությամբ այլ վայրում:

5. ՀՀ ԱՆ քրեակատարողական հիմնարկների ծառայողները, ինչպես նաև Շիրակի, Լոռու, Տավուշի, Գեղարքունիքի, Վայոց ձորի, Այրարատի մարզային բաժինների հարկադիր կատարման հանրային ծառայողներն ու պրոբացիայի ծառայողները՝ դասընթացների իրականացման ժամանակահատվածում՝ ցանկության դեպքում, ինարավորություն ունեն անվճար գիշերելու՝ ՀՀ Արագածոտնի մարզի, Աշտարակ համայնքի, Կարբի բնակավայրի 1-ին փողոց 4-րդ նրբանցք, N 56 շենքի կացարաններում: Կազմակերպությունը յուրաքանչյուր վերապատրաստում և հատուկ ուսուցում անցնող

գիշերակացով մնացող քրեակատարողական ծառայողի (հանրային ծառայողի), պրոբացիայի ծառայողի և հարկադիր կատարումն ապահովող ծառայության հարկադիր կատարողին (հանրային ծառայողին) ապահովում է գիշերակացի համար անհրաժեշտ գույքով և հիգիենայի միջոցներով:

6. Դասընթացների իրականացման ժամանակահատվածում Կազմակերպությունը ապահովում է Երևան քաղաքից դեպի Արագածոտնի մարզի, Աշտարակ համայնքի, Կարբի բնակավայրի 1-ին փողոց 4-րդ նրբանցք, N 56 հասցե (և հակառակը՝ դեպի Երևան)

ուղևորափոխարումը՝ ունկնդիրների (հանրային ծառայողների) ցանկության դեպքում:

7. ՀՀ արդարադատության նախարարության քրեակատարողական, արորացիայի և հարկադիր կատարումն ապահովող ծառայությունների ծառայողներին (հանրային ծառայողներին)՝ միայն վերապատրաստման և հատուկ ուսուցման դասընթացների իրականացման օրերին (ըստ դասացուցակի և Կազմակերպության Կարգիի ուսումնական կենտրոնում դասընթացներն իրականացնելու դեպքում), Կազմակերպությունն ապահովում է սնունդով՝ Հայաստանի Հանրապետության արդարադատության նախարարի հրամանով հաստատված ճաշացանկին համապատասխան:

Պետական մարմին՝

Հայաստանի Հանրապետության արդարադատության նախարարություն

ք. Երևան, Վ. Սարգսյան 3/8,

ՀՎՀՀ 02506264

Հայաստանի Հանրապետության ֆինանսների նախարարության գործառնական վարչություն

Հ/Հ 90001194272

Գլխավոր քարտուղար՝

Տնօրեն՝



Հ. Հարությունյան

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ

ք. Երևան, Մ. Խորենացու 162ա

ՀՎՀՀ 02509478

Հայաստանի Հանրապետության ֆինանսների նախարարության գործառնական վարչություն

Հ/Հ 900018004821



Գ. Սիմոնյան

Հավելված N 2

2026 թվականի իրականացման
կնքված N ՀՀ ԱԶ 02-Վ-066 - ժողովրդականության

«2026 թվականի ընթացքում Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցման ծառայությունների մատուցման» ծրագրի գծով 2026 թվականի բյուջետային հատկացումների սահմանափակումների վերաբերյալ ժամանակացույց*

Դրամատեղումների անվանումը	Ընդամենը տարեկան	Նախատեսվում է ֆինանսավորել ՀՀ 2026թ. պետական բյուջեից, ընդ որում										Հազար դրամ	
		հունվար	փետրվար	մարտ	ապրիլ	մայիս	հունիս	հուլիս	օգոստ.	սեպտեմ.	հոկտեմ.		նոյեմ.
ՀՀ ԱՆ հատուկ ծառայողների պատրաստման և ստույգ ուսուցման ծառայությունների մատուցում	187752,0	15646,0	31292,0	46938,0	62584,0	78230,0	93876,0	109522,0	125168,0	140814,0	156460,0	172106,0	187752,0

(* թվերը ներկայացված են ածողական կարգով)

Պետական մարմին՝

Հայաստանի Հանրապետության արդարադատության նախարարություն
 ք. Երևան, Վ. Սարգսյան 3/8,
 ՀՎՀՀ 02506264

Հայաստանի Հանրապետության ֆինանսների նախարարության գործառնական վարչություն
 Հ/Կ 900011194272

Գլխավոր քարտուղար



Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ
 ք. Երևան, Մ. Սարգսյան 162ա
 ՀՎՀՀ 02509478

Հայաստանի Հանրապետության ֆինանսների նախարարության գործառնական վարչություն

Հ/Կ 000918004821

Տնօրեն



Գ. Սիմոնյան